

摘藻堂四庫全書薈要

史部

欽定四庫全書叢要

史部

硃批諭旨卷一百二十六之七



詳校官編修臣繆晉

欽定四庫全書薈要卷八千四十六

史部

硃批諭旨卷一百二十六之七

硃批田文鏡奏摺

雍正四年正月二十一日河南巡撫

臣

田文鏡謹

奏爲據實奏明仰祈

聖鑒事竊查汝寧府知府張玠於未到任時即蒙

聖明洞鑒其人心術平常

命臣留心試用自到任之後臣隨時刻留心細加察訪

見其辦事明白操守亦尚廉潔業經臣於雍正三年正月二十四日繕摺

奏明不意近日浮而不實漸加放縱一任信陽州叅革知州李廷基橫行勒索該府非惟不能禁飭且親至確山縣反爲勸諭紳衿令其幫助確山縣知縣張邦憲瞻徇情面并聽知府指揮膽將南汝道陳世倬所發禁止告示匿不張貼從中勸諭紳衿派幫廷基又有息縣知縣邵言綸固始縣知縣汪

誠陳州知州蔡維翰或任樞書銀匠滕官作弊重
等收糧或向鹽商借貸致用十四兩小秤發賣食
鹽或怠情偷安並不清查保甲盜案纍纍亦不比
緝以上各官竝皆劣蹟昭著勢難一日姑容臣伏
查前叅信陽州知州黃振國一案荷蒙

皇上硃批諭旨格外獎賞臣跪讀之下固已受

寵若驚及讀至戒臣過於深刻之

聖諭臣益加悚惕不覺涕泗交流竊思臣受

皇上天恩至深至渥令於

恩寵倍加之時復寓以諄諄訓誡之

聖意無微不至無慮不周

臣

敢不鏤心刻骨仰體恪遵

但似此劣員

臣

久已訪聞誠恐未確又復細加察

訪事事確實有憑有證復據司道等官揭報到

臣

臣若不亟爲糾叅不特諸臣辜負

洪慈

臣

亦自干欺隱之罪况各員劣蹟已著不便稍爲

姑容致使人人效尤無復顧忌

臣

惟有據實入

告竝不敢故爲深刻也除將各員繕疏

題叅外理合繕摺

奏明伏乞

聖鑒謹

奏

各員果如此不法豈可一日姑容理應糾叅者但近日
以來每聞人論爾有任性尚氣之疵當深自省察切以
爲戒

同日又

奏爲仰懇

聖恩擢補賢員以收得人之效事竊查糧道沈廷正已
蒙

皇上天恩補授河南按察使所遺糧道員缺關係通省
漕糧驛傳鹽務且兼管開歸河三府陳許禹鄭陝
五州地方極爲緊要

皇上明竝日月無微不照內外大小臣工久在

聖明洞鑒之中糧道一缺自必補放得人協臣料理臣

亦何敢冒昧

奏請自干罪譴然臣一點犬馬報

主之誠時縈寤寐實有不能自己者臣查有開封府知

府孫蘭芬才具優長操守廉潔抑且奮自勉勵力
圖報效不敢稍懈至前蒙

聖諭性急之處臣復凜遵

諭旨時刻教導彼亦自知悛改日漸舒徐又衛輝府知

府張建德老成練達才守兼優以上二員足勝糧道之任倘蒙

皇上天恩於二員之內

簡補一員不特該員感激

聖恩益思奮勉而臣亦得收臂指之效矣再查開封府

一缺係通省表率之首政務殷繁員缺最爲緊要而衛輝府一缺又係南北通衢每年復有協辦漕糧之責必須能員料理方免遲誤臣查據鄭州知

州高文愷辦事明敏纖毫無染民情悅服聲名甚優倘蒙

聖主洪慈即以高文愷陞補府缺該員自必益加努力
共報

聖恩至高文愷所遺員缺係臨河州縣容臣遴選熟諳
能員遵例另疏

題請補授似此一轉移間而地方均得其人矣臣爲
吏治民生起見不揣愚昧冒瀆

宸嚴但是否臣言有當伏乞

皇上睿鑒臣不勝悚惶憂懼之至爲此繕摺請

旨謹

奏

已有旨矣楊夢琰較沈廷正更優袁珂靳樹賢兩員未
必不勝如高文愷也

同日又

奏爲恭謝

天恩仰祈

聖鑒事竊查豫省漕糧自衛輝府水次受兌由新鄉汲縣而進至直隸大名縣所屬之龍王廟止共計水程紆迴六百四十餘里其中沙石灘淺非挑濬蓄洩不能前進向因濬滑內黃三縣視河南漕運爲隔省之事不甚相關而押運官弁以非本省所屬呼應不靈每年自十二月中旬起運至次年四五月內尚未盡出豫境以致各幫糧船每誤抵通之

期今蒙

皇上天恩特將濬滑內黃三縣改歸豫省管轄俾地方
有司各有責成押運諸員易於指使是以今歲起
運雍正三年漕糧沿途地方各官皆協恭和衷竭
力料理一切雇夫覓船建壩蓄水不分此疆彼界
俱各一律奉行毫無推諉之弊至於築壩地方所
需料物存有糧驛道暨開封府衙門應得鹽規情
願歸公銀兩分發各屬照依時價公平採買遇有

淺阻之處需用剝船亦係發給現銀雇覓應用均
無虧短缺少貽累小民臣查濬滑內黃三縣百姓
較之往年竟不知有漕運之累黃童白叟莫不以
手加額感頌

皇仁歡呼之聲遍於四野茲復據押運等官報稱各幫
糧船已於本年正月十七日盡出豫境且自今歲
起運以來河伯著靈水勢增長自三四尺起至五
六尺不等船重者只須量行起剝船輕者便可暢

行無阻似此

天人交格輸輓迅速實係從來未有之事此皆仰蒙我

皇上動悉利弊籌畫盡善之所致也所有官民踴躍至

情暨微

臣感激私忱理合繕摺

奏謝仰祈

聖鑒謹

奏

據奏漕船已出豫境然總俟抵通之日方可定其輓輸

遲速也朕意此項漕糧將來終歸至小灘開兌而後安
同日又

奏爲據實再陳仰祈

聖鑒事竊查豫省漕糧每年額該買運米一十五萬一
千三百八十三石零內除中牟等縣沙壓鹵地豁
免漕米一千六百八十三石零實應採買米一十
四萬九千六百九十九石零每石部定價銀六錢
五分共價銀九萬七千三百四兩零臣前因道口

等處米價甚昂不惟艱於採買有誤冬兌且恐再
買一十四萬餘石之米小民勢必乏食是以與糧
道沈廷正再三斟酌只得一時權宜將彰衛二府
所屬存倉穀石暫爲碾米起運業經臣於雍正三
年十二月初七日繕摺

奏明茲查據彰德府所存倉穀內動穀八萬石每石
碾米六斗五升共碾米五萬二千石每穀一石價
銀三錢五分共給貯價銀二萬八千兩衛輝府所

屬存倉穀內動穀六萬九千七十七石每石碾米

六斗五升共碾米四萬四千九百石五升每穀一

石價銀三錢五分共給貯價銀二萬四千一百七

十六兩零又據糧道沈廷正在衛輝等處採買米

一萬一百七十石每石價銀七錢一分六釐零共

價銀七千二百八十九兩零又在道口等處沿河

水次採買米四萬二千六百二十九石零每石價

銀八錢八分七釐零共價銀三萬七千八百三十

八兩零以上共用過價銀九萬七千三百五兩零
合之原額徵收米價竝無賠墊至於暫貯各州縣
庫穀價銀兩如價值平減之處臣已檄令該地方
官作速買穀還倉即或買不足數一俟麥秋暫買
小麥存貯再俟秋收易穀還倉庶漕糧積貯均無
貽誤矣所有採買漕糧并冒昧暫動倉穀細數合
再繕摺具

奏仰祈

聖鑒謹

奏

爾之前奏已發部議矣

同日又

奏爲恭報瑞雪以慰

聖懷事竊據開封等八府所屬暨汝鄭等七州并所屬
各州縣報稱於雍正四年正月初一初二初十
三等日同雲密布瑞雪繽紛自五六寸起至七八

寸不等地土潤澤麥根深固將見豐年預兆大有
可書臣職任封圻幸逢嘉會不勝歡欣抃舞之至
所有豫省得雪日期理合繕摺奏

聞伏祈

睿鑒謹

奏

據奏新正瑞雪通省普被但朕聞河北三府雨雪尚欠
霑足

雍正四年二月二十一日河南巡撫臣田文鏡謹

奏爲據實奏明仰祈

聖鑒事伏念臣至愚極陋仰沐

皇上殊恩畀以巡撫重任夙夜冰兢實無一事敢於苟
且至於叅劾屬員益自矢公矢慎必至不得不叅
不敢不叅之時方敢據實入

告如前任信陽州知州黃振國狂悖貪劣經臣糾叅奉
旨審明解部關係匪輕於本年正月二十四日解至省

城聽候審解暫羈祥符縣監內緣黃振國於解省之時行至西平縣地方偶被車翻碾壞左手皮破筋傷於進監之時尚流血水每日延醫調治禁卒李玉見其左手帶傷即告知刑房王文輔隨寫報呈呈報祥符縣知縣俞汝翼該縣詳報到臣臣即批按察司撥醫加意調治務痊審解在案不謂黃振國之孫黃忠衡先因赴按察司呈保伊祖出監未准機乘該縣文內有血流不止飲食不進字樣

輒赴按察司呈控刑書捏報重傷意在恣其凌虐
似有使令以輕報重致死滅口之情竟令承審各
官均罹不白之冤當據按察使沈廷正轉報到

臣

隨批令該司飛提祥符縣暨刑書禁卒醫生嚴審
明確併取捏報職名去後茲據兩司審明黃振國
帶傷入監是實而刑書混寫血流不止飲食不進
字樣該縣不親加查驗冒昧率轉亦屬情確開具
職名請叅到

臣

除將祥符縣俞汝翼繕疏

題叅外臣思報呈內字句駭人該縣不察竟爾率轉
雖屬一時疎忽然黃振國係奉

旨審明之日解京重犯與尋常事件不同似此溺職之
員若不亟爲糾叅非惟不足以折黃振國之心而
承審各官亦不能洗其致死滅口之迹臣亦幾無
以自白矣伏乞

皇上俯鑒其中委曲出於無可如何之勢並非臣敢於
任性過刻致負我

皇上諄諄垂誠之

聖意也理合繕摺據實

奏明仰祈

聖鑒至臣所叅黃振國一案業經審明現在繕疏具
題起解赴部合併奏

聞謹

奏

朕幾曾命爾將應叅者勿叅耶此奏大奇

同日又

奏爲據實覆奏仰祈

聖鑒事竊

臣

家人齋回

臣

恭謝

天恩竝報各幫糧船盡出豫境一摺奉有

硃批諭旨據奏漕船已出豫境然總俟抵通之日方可
定其輓輸遲速也朕意此項漕糧將來終歸至小灘
開兌而後妥欽此仰見我

皇上睿慮周詳無微不至臣何敢再爲瀆

奏自干罪譴然臣蒙

皇上高厚隆恩非比尋常若明知其中利弊故爲緘默

臣罪益不容誅矣茲臣復查豫省漕糧向由衛郡

受兌自明季移於直隸大名府屬之元城縣小灘

鎮康熙三十五年前撫臣李輝祖題請改復業蒙

俞允至康熙三十七年運丁張文安等叩

閤部議仍改小灘後撫臣李國亮又請改復奉

旨允行迄今二十餘年不復更改者總因小灘之不如衛

郡已經歷試而權其輕重也所以臣前奉

皇上有河南糧艘可否由漳河挽運之

聖諭

臣

遵即細加察訪若移水次於小灘每於交兌之

時運米就船既苦轉輸之不易攜銀就買又遭牙

戶之居竒且該地方百姓均係回教臣聞豫民運

糧至彼即坐歇樹下亦需鋪地錢數十文其餘勒

索益自可想而知是以臣不敢冒昧請改而仍循

舊例具

題者也至於衛郡至小灘內有水淺即艱於輓運之處惟濬縣所屬之屯子馬頭至老鸛嘴一十八里然每年淺阻皆由地方各官視爲隔省之事遂致互相推諉遲延貽誤今蒙

皇上天恩特將濬滑內黃三縣改歸豫省管轄所以今歲起運雍正三年漕糧自受兌開行不及一月已盡出豫境若夫抵通之遲早自出豫境之後惟在直隸山東沿途地方文武各官照例催趲前進押

運官弁以及旗丁水手不致到處逗遛便可迅速
抵通則又非關衛輝與小灘受兌之故也臣不揣
冒昧據實覆

奏竝不敢故爲堅執妄瀆

宸嚴伏乞

皇上俯賜鑒宥臣不勝悚惶兢惕之至謹

奏

但須有濟於事何在多言况早經降旨下部矣無庸此

番瀆奏

雍正四年三月二十日河南巡撫臣田文鏡謹

奏爲恭報晴雨日期仰祈

聖鑒事竊臣伏查豫省所屬地方自雍正四年正月初

一日起至二月十一日止所得雨雪日期業經臣

節次繕摺

奏明茲復據各屬報稱於本年二月二十一等日各
得時雨二三寸起至四五寸不等但臣查據通省

所屬自入三月以來惟南陽汝寧二府所屬各州
縣於本年三月初二初四等日復得時雨四五寸
起至六七寸不等四野霑足其餘各屬低窪地畝
雖尚多滋潤而高阜之處稍覺乾旱臣隨備檄通
行各屬查有未得雨澤地方一體竭誠祈禱外臣
於本年三月初五日前赴彰德府會同學士何國
宗等覆勘河源於三月十四十五十六等日經過
地方得雨一二三寸不等然親見地土均未霑足

所有二麥待雨情形理合繕摺謹

奏

今歲雨澤朕觀天時景象只恐過多耳弗憂不足

雍正四年三月二十七日河南巡撫

臣

田文鏡謹

奏爲敬陳覆勘水利情形仰祈

聖鑒事竊查彰衛懷三府所屬各道河源據

欽差學士何國宗等業俱勘畢同副河

臣

嵇曾筠至省

與臣會議欲將彰衛等府所屬百泉等水分別改

造通流濟運

臣

聽其講說似與

國計民生兩有裨益故隨即畫題不謂何國宗等前

赴臨清去後

臣

准咨委員分往百泉等處勘估工

料沿河士民始知議定開挖改造河道無不驚恐

紛紛陳說利害當據地方各官轉稟到

臣

後承委

勘估工料之候補知府楊守知等旋省

臣

復細問

情由與各屬所稟無異

臣

隨令楊守知等親赴臨

清何國宗寓所分析回明以便改題嗣據楊守知

等回豫臬稱何國宗等仍照原議未肯更改臣隨
詳悉具札致意與何國宗未敢冒昧具

奏茲臣接准部咨知何國宗等即將臣書內情節繕
摺具

奏荷蒙

皇上天恩俯允九卿議覆令臣等再行確勘虛衷秉公
妥議臣於雍正四年三月初五日自省赴彰德府

跪請

聖安何國宗等即將勘河之事轉傳

諭旨務須公同虛衷妥議期於運道民生兩有裨益毋得各執己見竝宣諭地方官民各宜仰體

皇上重漕愛民至意不可以私意阻撓等因欽此欽遵

臣
敬將

上諭隨處傳集官民逐字宣讀廣布

皇仁并令地方各官恭繕出示徧爲曉諭當據沿河士民俱各稟稱從前

欽差來勘之時並未傳集我等曉諭亦未明說作何更
改我等實未與知及委員來估工料我等始知定
議但洹河百泉如照依前議改造雖有分水之名
實無涓滴可灌地畝至於小丹河水勢每年伏秋
極爲汹涌今斗門止寬一丈零四寸尚被水淹查
康熙五十五年六月內山水漲發由斗門開直至
清化鎮西門勢甚迅猛今若再爲加寬民命田廬
恐難保護今蒙

皇上天恩特傳

諭旨軫念民等

欽差覆勘斟酌料理我等不啻再生

聖恩浩蕩感激靡涯

臣

見士民莫不以手加額歡呼之

聲徧於四野此誠我

皇上念切痼瘼周詳指示之所致也茲

臣

會同查勘安

陽縣屬之洹河自善應山發源流至高平村河上
有自東往西石橋一座內除東西兩頭無水橋空

外餘計四十三空現在流水量長三十三丈河面
約寬一百餘丈橋之東北一百四十丈緊靠東崖
建有進水灌田石閘一座口寬一丈河灘上有順
水斜向西南石壩一道共長四十丈內沙淤二十
丈出土微高者止二十丈並非攔河築壩截水斷
流臣再查現今河水通流濟運田高水低並無涓
滴入閘每年農民當需水灌田之時於橋東第一
洞起至第十洞止沿河東邊壘石引水八分之一

已足灌溉餘俱暢流濟運若通行過入地畝已盡
爲巨浸此前議拆去石壩另築挑水壩座實於漕
運無益徒費錢糧毋容議改者也

臣

復與何國宗

等細爲查勘如民間需水之時東岸仍照舊給民
橋空十洞聽民順河壘砌石子引水灌田西岸橋
空三十三洞疏濬深通俱歸運道實屬官民兩便
臣再查輝縣百泉之南兩旁各有石堰一道開有
小口稱爲仁義禮智信五閘各閘之旁皆有還河

開住閘口泉水即從還河而入民間借水灌田之
後餘水復由還河而歸入大河仍濟漕運前議於
池南建石壩一道開三口門分爲三渠官渠口門
寬一丈六尺民渠口門共寬八尺渠內仍照舊各
建五閘分灌民田但臣查水勢就下官渠居中口
面寬至一丈六尺中泓寬深勢必建甌直瀉兩旁
民渠西渠口面僅寬三尺六寸東渠口面僅寬四
尺四寸且仁字第一閘逼近分水之口非惟不能

遏水使高灌入民田并恐一經開住官渠洩瀉勢
急又必去而復回是仁字一開已萬難灌溉何況
以下之田今議將民渠兩處水口共再加寬二尺
仁義開座從分水渠口下移聽民自便臣見地勢
漸低便可引水灌溉其舊有之五開竝皆堵塞舊
堰之內各另築石堰一道使官渠之水不能旁洩
俱通流入衛於漕運大有裨益臣遵即會同何國
宗等合詞具

奏在案惟是河內縣所屬之小丹河臣詳勘地勢細

察民情其進水石斗門有斷不宜加寬者然欲與

運道民生兩有裨益總不如將小丹河之水盡入

衛河以濟運道而小丹河內東西民地查有秦董

二渠現在均可量爲加寬分水灌溉不特上與漕

運更有裨益抑且永無後患民情俱各心安乃臣

與何國宗等虛衷秉公再三婉商惟副總河臣嵇

曾筠亦深以爲然而何國宗堅執前議臣等因復

會同屢次確勘據清化一鎮竝各村莊士民每日
不下數百餘人紛紛稟說利害不謂何國宗竟置
若罔聞動輒怒形於色反加以阻撓二字查究姓
名緘民之口以致士民盡皆股栗伏地哀懇似與
虛衷妥議之

聖諭未協而疏內

奏稱竝無異詞實非百姓果無異詞也然臣等仰體
聖懷竝不敢與何國宗彼此齟齬惟有從旁委曲勸解

且即如_臣等所議尚有何事未當何事不如前議
在何國宗亦不能指出惟口稱若不照依前議
皇上差我們這幾箇人出來做什麼就是九卿班上看
了我們也竟不是人了又向_臣說據百姓說改不
得就依了他難道我們倒跟不上百姓等語_臣思
運道民生均關

國計如果前議事屬可行即或民情多不樂從_臣等
亦焉敢復有異議其如一經更改當伏秋水漲

發並非人力所能操縱民命田廬實有可虞現據
士民驚恐呼籲臣只得另議同副河臣嵇曾筠合
詞與何國宗等一併彙疏具

奏總之臣蒙

皇上特達之知畀以封疆重任復蒙

聖諭諄切訓誡

臣

惟有悉心籌畫以圖萬全竝不敢偏

凡人

自以為是之處

即屬偏執也何云不敢偏執至於

執已見多費

不避

嫌怨不務虛名八字在朕許爾則可若公然居之

國帑作此無甚裨益隱伏利害并致民情驚恐之事

不疑必受此八字之病且爾此意正爲避嫌怨務虛名
至於臣之不避嫌怨不務虛名則又早荷
而發乃自不覺而猶喋喋瀆陳耶
聖明洞鑒無庸再爲瀆

奏者也緣欽奉

上諭虛衷妥議事理謹將詳細確勘并另議情形繕摺

據實奏

聞伏乞

睿鑒謹

奏

何國宗等數人非朕傾心任用者不過使其查勘耳豈
即以其言爲準爾等第各抒所見秉公籌議朕自有審
擇兩端取中之道

同日又

奏爲恭報晴雨日期仰期

聖鑒事竊照豫省所屬地方自入三月以來惟南陽汝
寧二府所屬各州縣得雨霑足其餘各屬自本年
三月初二日起至十六日止所得雨澤業經臣繕

摺

奏明茲查據開封府屬之蘭陽等縣懷慶府屬之河
內等縣於三月十九二十等日復得時雨一二寸
不等又查據附省各州縣於三月二十六日又得
雨澤寸許雖四野均未霑足而麥苗得此微雨可
以滋長除各屬有無得雨容俟報到另摺具

奏外臣現在設壇率領各官竭誠祈禱并通行各屬
一體誠求所有豫省復得微雨日期理合繕摺奏

聞謹

奏

專事祈禱莫若修省吏治多有譏爾諱飾災眚但遇州縣據實詳報者即欲加以叅劾云云果若此豈爲民上之道萬萬不可切戒切戒

雍正四年四月初二日河南巡撫

臣

田文鏡謹

奏爲恭報雨澤分寸暨桃汛水勢平穩情形以慰

聖懷事竊查豫省所屬地方自入三月以來所得雨澤

業經_臣節次繕摺

奏明茲_臣續據各屬報稱於本年三月二十六日各

得時雨自二三寸起至五六寸及霑足不等又據

省城暨附省各州縣報稱於本年三月三十日復

得時雨二三寸不等從此麥苗滋長豐稔可必除

離省路遠各屬同日有無得雨一俟報到_臣再另

摺具

奏外所有豫省復得雨澤分寸理合繕摺奏

聞再臣伏查豫省黃河水勢今歲自入桃汛以來至三
月十五日止共長水自一尺起至二尺四五寸不
等除長落相抵外現今竝無長落一切工程堤岸

俱各平穩此皆仰賴我

桃汛雖過臣伏秋尚未屆期且宜敬慎以待何得如此大
皇上洪福齊天至誠感孚之所致也臣職任封疆不勝

言諤

謝

歡欣踴躍之至所有汛水平穩情形合併具

奏仰祈

聖鑒謹

奏

近日以來畿內雨水過多朕心甚爲憂虞

雍正四年四月初十日河南巡撫

臣

田文鏡謹

奏爲恭報雨澤霑足情形以慰

聖懷事竊

臣

伏查豫省所屬地方近據各屬陸續報稱

自雍正四年三月三十日起至四月初十日止連
日同雲密布甘霖大沛高下地畝竝皆十分透足
二麥可必豐收秋禾足滋茂植黃童白叟莫不歡

呼躑躅感頌

皇仁此誠仰賴我

此等俗談何必屢書於奏牘

皇上洪福齊天恩膏普被之所致也

臣職任封疆不勝

歡欣抃舞之至所有豫省得雨霑足二麥暢茂情
形理合繕摺奏

聞謹

奏

覽豫省霑足情形朕懷深慰直隸地方未免雨澤過多

於二麥尚屬無妨秋禾則甚有礙朕所以憂虞莫釋也
豫撫田文鏡性情僻闇信用僉邪賢否倒置謹
擇其尤甚者恭摺上

聞若上蔡知縣張球本屬市井無賴因將烏姓幕賓
薦於巡撫衙門藉此招搖恐嚇同官撫臣信爲
心腹委署光州勒借息縣知縣邵言綸銀一千
兩邵令止給五百兩未滿所欲即揭衆邵令日
耽詩酒一任櫃書重等查邵令竝無詩酒之事

所追重等係市中所用並非櫃等又因查固始
縣倉穀勒索知縣汪誠餽送不遂即指汪令與
鹽店換錢買穀一事誣爲借錢縱商小秤鹽商
送張球銀八百兩求免掛叅後田文鏡附叅商
名張球始吐原銀查汪令實係換錢並非借錢
所追小秤係歷年舊秤並非因借錢減小聞汪
誠居官才守兼優而撫臣信誣叅革賢否倒置
莫甚於此懇乞

皇上密敕撫臣將張球拏問將汪誠昭雪則公道彰而人心勸矣謹

奏

雍正四年四月初五日

有人具此一奏發來汝看汝之居心不肯負恩欺朕原可確信不疑至若汝之屬員負汝欺汝與否則未可定也蓋用人最不宜護短聽言尤不宜偏信如上蔡令張球覽此叅摺更訪之他處似一僉邪劣員汝或被其簧

鼓不自覺知耳今當加意體察據實奏覆朕往往見清
正大臣於妻子家人屬員親友間或牽於溺愛受譖愬
而無疑或比於私誼被愚弄而不寤致冒不明之譏因
招敗檢之累者不可枚舉不寧惟是即年羹堯從前朕
亦何嘗不被所誑惑一旦覺悟即宜果決切勿執迷以
求文飾自謂我何得有錯云云橫此偏見於胸中則其
害至不可勝言矣况又非親非友何故以清潔一身甘
被其污而受衆人之謗耶爾等當取法乎朕虛公省察

務別真偽倘誤信一二匪人所繫實非淺鮮朕操生殺
予奪之柄利害榮辱可判於目前而臣工之是非邪正
兼關其千秋後世名節尚不能得奉公持正致身爲國
者幾人爾等之屬官下吏中豈易邂逅一心一德同休
共戚之儔乃魚目混珠燕石擬玉以自蔽其聰明何哉
朕此論發前人所未發爾等封疆大吏膺激揚舉錯之
責當觸目警心以爲終身誦誌之勉之

夫可信者非人而何故語云始吾於人也聽其言而信

其行不可信者非人而何故續云今吾於人也聽其言而觀其行於此持衡稍不均平則失之毫釐謬以千里難言知人用人之道矣

雍正四年四月二十七日河南巡撫

臣

田文鏡謹

奏爲遵

旨據實覆奏仰祈

聖鑒事竊臣齎摺家人回豫恭捧

皇上硃批奏摺一扣欽奉

諭旨到臣臣跪讀之下不勝悚慄憂懼乃蒙

皇上天恩不即嚴加治罪

特將原摺

賜臣細閱復荷

聖慈於萬幾之暇親灑

宸翰發千古帝王所未發之奧義竝密授臣以用人之

祕

旨多方訓誨切提撕臣何人斯而仰厪

天心一至於此不禁愈思愈感愈感愈泣數日之內聲

淚俱無臣惟有終身頂誦時刻警心以仰副我

皇上生成之隆恩於萬一耳茲臣伏查叅奏各款遵即

秉公密察謹逐一據實爲我

皇上陳之臣兩任布政使原無幕友嗣蒙

皇上天恩畀臣巡撫重任政務殷繁必得一人檢查簿

書因有浙江人烏思道係臣素所認識聞伊覓食

上蔡臣隨延至臣署實非張球所薦且臣所延之

烏思道不過令其查對文移核算錢穀而已至於
機密大事以及進退人材俱係臣親自裁決不但
不與之參酌並不令其與聞查上蔡縣知縣張球
臣自到布政使任時即知其人才具操守均有足
取前經臣委署光州今又委署陳州詳革陋弊政
聲俱優訪之本任與署任內民情俱各愛戴似此
賢員通省不過數人臣爲

國家用人起見所以屢次

奏請竝不敢阿私所好顛倒是非如果張球畧有招搖恐嚇之事誠如

聖諭又非親非友何苦甘被其污自虧名節即係臣之

至親嫡眷臣亦不敢少徇私情不加叅劾今臣密

訪張球實無藉此招搖恐嚇同官之事其前向邵

言綸借銀五百兩臣於糾叅邵言綸之時即訪知

此事適值張球因公在省面加詰訊據張球稟稱
從前與邵令同寅相好暫爲通融已經還清因而

未經參處臣亦不敢不據實覆

奏又查息縣知縣邵言綸不特日耽詩酒抑且止知課孫一切吏治竝皆廢弛固始縣知縣汪誠臣訪知到任三日即乘小轎親拜鹽商借貸銀兩地方一切陋弊竝不革除實非有才有守之員况邵言綸汪誠俱係臣親自訪聞臣因重等小秤未獲恐無憑據密飭南汝道陳世倌親詣該縣督同署光州上蔡縣知縣張球先行查審追出重等小秤竝

借錢小摺經南汝道取有確供詳覆事皆確鑿而陳世倬張球始行補揭如謂張球因索借不遂捏款妄揭即不應在臣訪實行查之後矣臣賦性雖愚尚不至毫無覺察况蒙

皇上隆恩任大責重凡事慎之又慎詳之又詳豈敢任人指使依樣葫蘆再查鹽商求免掛叅許送張球銀八百兩臣細加察訪實屬風影無憑鹽商姓名皆臣先訪得實張球安能摘除但臣細閱摺內指

斥張球爲市井無賴此人必係進士出身邵言綸
汪誠俱係己丑進士或與此人同年亦未可知再
查邵言綸汪誠經臣於本年正月二十一日
題叅果有冤抑此人何不蚤爲摺

奏而必於本年四月內乘叅革信陽州知州黃振國
解京質審之時具

奏而黃振國亦係己丑進士明則與邵言綸汪誠辨
冤暗則欲擾亂黃振國審案故施其烘雲托日之

技以見臣所叅各官俱不足憑我

皇上明竝日月無微不照而此人尚敢肆其姦狡巧爲
攻擊自難逃於

聖明洞鑒之中但屢蒙

皇上特頒諭旨解散朋黨諄切垂誠至再至三若瞻顧
同年徇私捏

奏竝非出於至公實皆由於私黨伏祈

皇上詳察臣思我

皇上求賢若渴賞善懲姦況今捐例已停將來科甲自
多若此懷私挾詐朋比爲姦則嗣後科甲之員萬
一貪污苟且督撫諸臣斷不敢再爲

題叅矣至上蔡縣知縣張球可否容

臣繕疏

題叅解任以與邵言綸汪誠竝黃振國俞汝翼各案
伏乞

皇上特簡廉明公正大臣來豫一竝審明庶邪正不致
混淆而臣心亦得以自白矣緣欽奉

皇上密諭事理合將虛衷秉公體察情形據實覆

奏仰祈

聖鑒臣不勝惶悚待罪之至謹

奏

朕念汝秉性直慤恐過於信人致被姦僞之徒所惑耳
今據奏陳邵言綸汪誠等事皆確鑿可憑前言悉出悠
悠讒譖之口誠如是張球亦何罪之有自無庸列之彈
章也竝據乞請欽差來豫審明各案以辨別邪正兼白

汝心必令水落石出涇渭判然庶幾造言捏奏亂朕耳目之輩知所警惕此意亦是但身爲大臣凡事須公聽並觀不可絲毫袒護倘此案情節不無疑竇則外間物議亦非無因恐將來敗露汝之聲名所係猶小而朕用人當否攸關甚巨汝宜再思若斷然不疑即行具奏朕當遣大臣來豫審明也

同日又

奏爲據實覆奏仰祈

聖鑒事竊臣前奏恭報晴雨一摺欽蒙

硃批諭旨到臣跪讀之下不勝感激涕零慚悚無地伏

念臣蒙

皇上天恩至深至重凡有關於民生休戚之事無不據實具

奏況地方被災關係綦重非惟不敢隱匿實係不能
隱匿之事設或黎民阻飢隱而不

奏小則流離失所散走四方大則相聚爲匪莫可究

詰且豫省逼近京畿

皇上明竝日月無微不照而往來

欽差又復絡繹不絕一經上

聞不特有干

國法抑且實招民怨

臣雖至愚豈竟不知利害而甘

心自陷也茲

臣

復加細查於雍正三年四月內當

二麥告登之時

臣

因春間雨水稀少誠恐各屬隱

匿災傷或捏詞混報隨密委賢員分路確查并飭

各該府州據實查報去後惟禹州屬之密縣沙土
高地實止三四分收成其餘低窪地畝俱有五六
分收成而知縣莊畝欲妄邀民譽捏稟所屬地方
二麥竝無顆粒臣恐前委之員查報不實以致窮
簷疾苦無可控告隨另委把總徐瑤密赴該縣四

鄉逐一確查復差心腹尾隨其後嗣據所報收成
國計民生總宜持平不可偏重既恐爾不會朕意又聞
分數與臣前查無異臣思隱匿災傷固干嚴處而
人言嘖嘖故有前諭今據奏覆情形較如列眉朕懷無
捏災妄報定例亦甚昭然本應即將捏稟之莊畝

留疑
繕疏

題叅又因其係一忠厚書生尚未具文詳報情有可
原隨即面加嚴飭而莊歆亦自知虛妄俯首認過
今蒙

聖恩垂誠臣亦不敢不將此事據實覆

奏又臣覆

奏會勘水利一摺臣實愚昧無知一時誤書不避嫌
怨不務虛名等字又蒙

皇上天恩多方訓誡

臣

惟有恪遵

聖諭直抒所見秉公籌議仍痛自刻責力改前非至於
朕年來常如是修省也
地方或偶遇水旱遵當加意修省時刻凜惕以仰

副

皇上諄諄垂誡之

聖意於靡盡耳又臣具奏恭報雨澤暨桃汛水勢一摺

臣伏讀

聖諭仰見我

皇上睿慮深遠敬慎圖維既厯保赤之懷復抱如傷之
念臣職任封疆敢不竭誠仰體敬謹預防至於黃
河水勢目今俱已歸槽臣前

好

奏被水貧民亦現在詳察賑恤不致失所再臣伏查

豫省所屬地方自四月初十日起至十七日止天
氣清明於十八日酉戌二時雖復降雷雨旋即晴
霽二麥盡皆秀實秋禾雜糧業已布種發生俱各
十分茂盛大有可期士農工賈莫不歡呼踴躍咸

頌

直省二麥之豐殊屬罕觀今歲誠可慶幸
皇仁臣伏思我

皇上至誠所感自必上契

天心近京地方諒已晴霽不致上廛

聖懷也所有微臣感激悔過私忱理合繕摺覆

奏仰祈

睿鑒謹

奏

覽

雍正四年五月十五日河南巡撫臣田文鏡謹

奏爲據實覆奏仰祈

聖鑒事竊查豫省沿河十四州縣大堤以內灘地被水

情形業經臣繕摺

奏明內除榮澤縣查明竝未被水無庸賑濟外其餘
各屬被水輕重不等而大堤以外所種二麥十分
豐稔且又蒙

皇上隆恩特發帑金將沿河州縣南北兩岸大堤增卑
培薄現在興工備築凡年力精壯之人俱可赴工
力作寬取工價餬口臣前令布政司動撥雍正三
年耗羨銀三千兩遴委幹員協同該地方官查明
大口照依穀價每名給穀二斗折銀八分小口每
名給穀一斗折銀四分內有老弱實在不能傭工
之貧民著再量爲加賑去後令據各委員報稱查
明大口窮民一萬四千一百四十二口小口窮民

六千九百九十一口遵照分別散賑訖共計動賑
過銀一千四百一十六兩零餘銀仍繳還司庫歸
款外現今乏食貧民均沾實惠俱各得所竝無一
夫稍有未獲但臣伏查堤內地畝原屬河灘最爲
窪下惟秋間高糧不虞水淹至於所種二麥若春
間雨少收割之後河水始長可以加倍豐收如尚
未收割一遇水發即被淹沒此亦地處河濱每年
伏秋勢所不免况所納錢糧較之堤外地畝科則

亦甚減少而有糧灘地合通省計之亦不足百分之一所以歷任撫臣即遇水淹之時不特不敢題報災傷抑且從未賑恤撫藩衙門竝無蠲免緩徵成案今若一經冒昧具

題將來小民以此爲例畧被水患即執詞呼籲期望題請臣愚以爲被水百姓旣經賑恤較之從前已逾格外即或成災亦止應密飭各州縣將新舊錢糧或暫緩時日酌量催徵似不便恭疏

題報以致小民無厭之求也所有查明被水窮民大小口數暨賑過銀兩數目理合繕摺覆

奏仰祈

聖鑒謹

奏

朕但令不隱災耳未令報不應報之災也何用瀆陳如許繁文

同日又

奏爲恭報二麥收成分數以慰

聖懷事竊查豫省今歲二麥總由四月內甘霖普降遂
使麥穗秀實竝皆豐收現今通省二麥俱已登場
茲據開封彰德衛輝懷慶四府所屬各州縣報稱
沙土地畝并工本缺乏人力不齊之地亦有六七
分收成至力勤而地畝好者足有九分收成又據
歸德河南南陽汝寧四府所屬暨汝鄭陳許禹光
陝七州并所屬各州縣報稱收成自八九分起至

十分不等臣復詢之老農皆云十餘年內未有如

今歲之豐稔每年四月內亦未有如此透雨所收
麥粒亦未有如此肥碩日來新麥入市糧價皆已

平減老幼歡欣遐邇胥慶臣前蒙

皇上硃批諭旨此等俗談何必屢書於奏牘欽此欽遵
然臣伏思雨暘時若年登大有實賴

皇上一人有慶臣職任封疆欣逢嘉會不勝歡忭踴躍
之至所有豫省今歲二麥收成分數理合繕摺奏

聞謹

奏

朕爲豫民喜兼亦爲汝慶幸也切毋高興肆志更宜加敬加慎以仰承

天貺勉之

雍正四年五月十九日河南巡撫

臣

田文鏡謹

奏爲

聖恩浩蕩圖報愈難謹瀝丹誠仰祈

睿鑒事竊臣齎摺家人回豫恭捧臣前奏遵

旨據實覆奏一事欽奉

硃批諭旨到

臣

隨反覆跪誦不勝鏤心刻骨血淚凝

膺伏念

臣

自愧庸愚仰蒙

皇上天恩畀以封疆重寄任事以來毫無寸長報效乃
屢因人言嘖嘖以致上厪

聖懷

臣

每自思維無適而可不謂疊荷

聖恩有加無已既矜全於格外復

教導以多方臣何人斯而仰沐

恩慈一至於此惟有夙夜匪懈愈竭公忠以仰報我

皇上天高地厚之隆恩於萬一耳又臣具

奏二麥秀實一事欽奉

硃批諭旨直省二麥之豐實屬罕覩今歲誠可慶幸欽

此臣伏讀之下不勝歡欣踴躍因思豫省二麥竝

皆十分豐收而直省所屬更係罕遇之年似此時

和年豐太平有象是誠仰賴我

皇上恩膏普被至誠感孚之所致也理合繕摺覆

奏仰祈

聖鑒謹

奏

正值二麥登場之候奈近日陰雨連綿淋漓不止農家
礙難曬揚深爲可慮

雍正四年五月二十九日河南巡撫

臣

田文鏡謹

奏爲恭請

陛見以伸犬馬私忱事竊臣一介庸愚荷蒙

皇上知遇隆恩由侍讀學士畀任藩司擢授巡撫屈指
已經三載雖咫尺

天威羹牆如見而一種犬馬戀

主私忱無能暫解於寤寐况封疆責任事關重大愚昧
如臣若不恭請

皇上親賜指示豈能措置咸宜前經臣節次

奏請未蒙

聖恩俞允依戀彌深茲幸今歲豫省二麥十分豐收民
俱樂業奏銷秋審兩案已經完結而南北兩岸大
堤又復荷

聖恩大發帑金增卑培薄現在勒催上緊堅築將來伏
一切未來境遇難以前定輒敢如是放言殊屬肆無忌
憚凡百俱仰賴可保無虞至文武兩闡鄉試一切事宜臣
已預行布政使料理停妥六七兩月正係從容閒
上蒼造就神明祐庇始保無虞稍涉輕忽則悔吝隨之也
不特此等莫可逆料大事即盤餐杯水之細微朕亦焉
陛見之日除現在照例繕疏

敢預期惟乾乾業業朝夕乾惕時時如不及事事恐未
奏請外伏乞

能實懷此心以對越

皇上宏慈俯允所請容臣剋期輕騎從趨赴

帝請云一句過頭語折盡平生福斯言誠哉不謬但當

闕廷俾得仰觀

小心敬慎盡其在己以聽

天顏叩請

冥默之中自有照鑒若於此理猶認不真信不篤是所

聖安跪聆

謂庸人也已矣戒之戒之

聖訓庶幾吏治民生政無巨細有所遵循不致隕越而

犬馬積年戀

主之誠亦得稍展於萬一矣所有微臣感激依戀私忱

理合繕摺奏懇

天恩伏乞

睿鑒謹

奏

六七兩月正當盛暑之時況伏秋二汛關係甚重豈可擅離地方入覲之行俟十月間再定

雍正四年六月十一日河南巡撫

臣

田文鏡謹

奏爲恭謝

天恩仰祈

聖鑒事雍正四年六月初十日據臣家人齎回

皇上硃批奏摺到臣隨悉心反復跪誦感

恩之涕不覺自零伏念臣受

恩深重圖報殊切故臣自抵任迄今毋論大小事件莫

不小心翼翼凜惕冰淵竝不敢私毫苟且亦不敢

任性偏執而一點其難其慎秉正無私之血誠不

特臣可以自信并可以仰邀

聖鑒質之

天地者也至於尚氣之處臣屢蒙

聖恩諄切訓誡臣敢不痛自刻責竭力悛改惟是臣自

幼竝未讀書雖敬謹敷陳而慙直之氣已不覺溢

於毫端茲復欽承

時時事事不昧今日之誠方可謂欽承仰副也勉之
諭旨臣惟有寤寐警惕臨事詳慎并陶淑性情擴充器

量以仰副我

皇上諄諄垂誡之

聖意於靡盡耳遵將挾私情節另摺具

奏外所有微臣感激私忱謹繕摺

奏謝仰祈

聖鑒又臣覆

奏二麥一事欽奉

硃批諭旨正值二麥登場之候奈近日陰雨連綿淋漓
不止農家礙難曬揚深爲可慮欽此臣伏讀之下仰
見我

皇上軫念民生如同保赤而至誠所感自必上契

幸蒙

天心

近

日直省地方諒已晴霽不致上塵

天心

回轉陰雲開霽日色朗然穗粒一無傷損

聖懷也以上各項理合繕摺覆

奏并將原摺一併恭繳謹

奏

覽

同日又

奏為據實奏

聞仰祈

聖鑒事竊臣以一介庸材至愚極陋仰蒙

皇上特達之知畀以封疆重任兢兢業業凜惕冰淵故
凡有關於吏治之事無時無刻莫不留心體察惟
以其人之賢否是憑從不分別正異兩途故自抵
任迄今經臣保舉者儀封縣陞任知縣袁珂等一
十九員經臣叅革者陳留縣知縣沈銘慎等二十
二員其中旗人漢人科甲捐納紛然雜出而臣實

未計及其人係何處籍貫何項出身如係才守兼
優之員即與臣素有仇隙臣亦不敢不舉豈敢妄
參如其人劣蹟昭彰即係臣之至親嫡眷臣亦不
敢不參豈敢妄舉然而一點犬馬報

主之微誠臨事詳慎之苦衷惟賴

皇上察臣愚忱而已臣查信陽州知州黃振國狂悖貪
劣實出異常臣於雍正三年十一月內訪確

題叅自摘印之後不但州民稱快而通省亦復帖然

毫無異詞突於雍正四年二月內豫省忽造浮言
從此各處紛紛傳說或言臣不容讀書之人在豫
省做官或言臣欲將黃振國致死滅口如此物論
不一而足豫省如此京師可知臣見黃振國姦險
狡猾恐其解京質審無人質對捏詞狡辯於訊審
之時令其親筆寫供畫押存案內有收呂遜投拜
門生一款臣因叅後又訪係拔取案首是實受賄
屬虛不敢偏執隨於疏內聲明其餘各款竝皆有

職有證事事確實至於報病一節

臣於

題叅祥符縣知縣俞汝翼疏內業經備細敘明已久
在

聖明洞鑒之中矣

臣

查黃振國係己丑進士竝不料

臣

於本年正月內所叅汝寧府知府張玠固始縣知
縣汪誠息縣知縣邵言綸俱係己丑進士在

臣實

出之無心而伊等同年弟兄一時被劾不無徇私

袒護但屢蒙

皇上特頒諭旨解散朋黨至再至三凡爲臣子者自應
仰體

聖懷洗心滌慮一皆出於至公若復瞻顧同年徇私羣
起妄議則嗣後科甲之員如有貪污苟且督撫諸
臣斷不敢再爲

題叅矣總之臣賦性甚愚受

恩極重心意之間惟知仰

皇上一人愛敬之誠亦惟知有

皇上一人不但敢偏執己私抑且不敢絲毫欺誑今
忽造此讒謗浮言欲爲同年洩忿陷臣負

君不公之罪雖臣之聲名所係最小而

皇上用人之當與否攸關甚鉅伏乞

皇上隆恩特簡廉明公正大臣來豫將黃振國俞汝翼
張玠汪誠邵言綸各案一併審明或容臣將各案
官犯卷宗解送赴京

敕法司就近質審如臣有絲毫懷私偏抑乞治臣重罪

以警不公庶邪正不致混淆而臣心亦得以自白
矣所有挾私造言情節臣不敢不繕摺奏

聞伏乞

皇上睿鑒施行謹

奏

田文鏡此奏是浮言嘖嘖朕亦聞之此風何可滋長著
侍郎海壽史貽直前往河南將黃振國等各案逐一覆
審具奏

同日又

奏爲恭報秋禾暢茂情形以慰

聖懷事竊查豫省所屬各地方自本年四月內甘霖大沛之後不時間有雨澤所種高糧蚤穀蚤黍以及棉花芝麻等物竝皆十分暢茂其麥後所種晚禾亦俱各青蔥遍野大有可期現今通省各州縣市
中糧食日益充盈婦子恬熙民皆樂業臣職任封疆不勝歡忻踴躍所有豫省秋禾暢茂情形理合

繕摺奏

聞仰祈

聖鑒謹

奏

誠屬可喜可慶之事深慰朕懷更宜加勉吏治以敬迓

天庥

同日又

奏爲據實覆奏仰祈

聖鑒事雍正四年六月初九日據臣家人齎回

皇上硃批奏摺到臣跪讀之下仰見我

皇上敬

天愛民無時不廛諸

睿念而謏劣如臣又復荷

聖恩諄切垂誠明白指示臣不勝慚悚感激涕泗交零

惟有諸事竭誠仰體小心敬慎念茲在茲愈切冰

淵以仰報我

皇上高厚隆恩於萬一耳再臣伏查豫省今歲二麥曾
有數處送到兩歧者祇因各屬不諳盡將麥本掐
去僅存麥穗誠恐難免不敬之罪是以未敢冒昧
恭

進此係臣一時疎忽不能預爲曉諭所致咎實難辭
伏乞

皇上俯賜鑒宥臣無任悚惕之至所有微臣未敢恭
進瑞麥緣由理合繕摺具

奏仰祈

聖鑒謹

奏

知道了

雍正四年六月二十一日河南巡撫臣田文鏡謹

奏爲遵

旨密奏仰祈

聖鑒事竊查社倉一事臣前在布政使任內時即仰體

皇上念切民依之

聖懷勸諭所屬各州縣設立社倉勸民量力捐輸并公
舉社長以司出入嗣蒙

皇上天恩畀以巡撫重任

臣復欽遵

諭旨見有好府州縣各官暗暗勸諭令其實力奉行毋
得強勒擾害所有雍正二年勸捐穀石業經

臣繕

摺奏

聞茲據布政使費金吾詳稱查據開封等八府所屬暨

陳許等七州並所屬各州縣彙稟雍正元年分共
勸捐穀三千七百六十二石零雍正二年分共勸
捐穀五萬三百二十五石零雍正三年分共勸捐
小麥七十九石零粟穀五萬四千六百一十九石
零又贏餘穀四十六石零出借加息穀九百三十
四石零以上三年共本息勸捐麥穀十萬九千七
百六十七石零分立社倉七百九十八座臣復密
訪各屬或自行倡捐或聽民樂輸俱係社長董司

其事竝無擾害強勒之處至將來秋收另有勸捐穀石臣再按年另摺奏

聞外遵將各屬實在捐貯穀石竝設立社倉數目分析年分一併繕摺密

奏伏乞

皇上睿鑒謹

奏

據奏社倉粟穀已積有十萬餘石殊屬可嘉此事甚不

易爲爾以何術鼓舞勸導遂肯聽從樂輸至於如是實爲他省所罕聞但從前楊宗仁行之楚地雖已稍有頭緒而頗著強迫之名朕隨經嚴加飭諭矣爾其勉力善爲之萬勿因蒙褒獎反致稍涉逼勒形迹

同日又

奏爲恭報雨澤併秋禾暢茂情形以慰

聖懷事竊查豫省所屬各地方自本年四月內甘霖普降二麥登場之後迄今雨暘時若民安物阜茲據

開封等八府暨陳許等七州併所屬各州縣陸續
報稱五月內不時間有時雨足資種植又自六月
初四初五初七初九十二十四十五十六十八十
九二十等日或通省同日得雨或數處獨沛甘霖
四野均沾入土透足現今高糧蚤穀蚤黍以及花
豆芝麻等物盡皆吐秀其餘晚穀晚黍亦俱各十
分暢茂大有可期民情胥悅此誠仰蒙我

皇上愛養黎元上格

穹蒼之所致也臣職任封疆不勝歡欣凜惕所有豫省得
雨日期竝秋禾暢茂情形理合繕摺具

奏仰祈

聖鑒謹

奏

禾稼雖云暢茂未屆秋成何敢言喜如二麥之已登則
朕懷欣幸筆不能罄也

同日又

奏爲恭謝

天恩仰祈

聖鑒事竊臣前奏恭請

陛見一摺欽奉

硃批諭旨六七兩月正當盛暑之時况伏秋二汛關係甚重豈可擅離地方入覲之行俟十月間再定欽此

臣跪誦

溫綸仰見我

皇上睿慮周詳無微不至但臣何人斯而仰沐

聖主垂憐一至於此似此浩蕩

隆恩臣即捐糜頂踵亦難圖報涓埃豈敢因時當盛暑

稍萌自逸之念況臣由布政使至巡撫屈指已經

三載而一種犬馬戀

主之誠實無能暫解於寤寐今既奉有伏秋二汛關係
甚重之

聖諭臣敢不愈加小心竭力防護伏乞

皇上洪慈容臣於十月內武闈事竣再爲繕疏

奏請

恩賜俞允則感荷

聖恩臣益矢之生生世世矣所有微臣感激私忱理合

繕摺

奏謝伏祈

聖鑒謹

奏

臨期奏請候朕裁酌凡事不必預定

雍正四年七月初九日河南巡撫臣田文鏡謹

奏爲據實覆奏仰祈

聖鑒事雍正四年六月二十八日據臣家人齎回臣恭

報秋禾一摺欽奉

硃批諭旨誠屬可喜可慶之事深慰朕懷更宜加勉吏
治以敬迓

天庥欽此臣伏讀之下仰見我

皇上愛養黎元有加無已而至誠所感自足上契

天心所以直省地方旋即晴霽二麥不甚減收秋禾亦十
分茂盛從此五風十雨四海九州歲歲必多奇異
嘉苗以昭

聖主之仁以彰

盛世之瑞也茲

臣

伏查豫省秋禾自連得雨澤之後於

雍正四年七月初一日復沛甘霖四野流膏無遠
弗屆所種早穀早黍以及高糧棉花等物竝皆秀

實旬日之內可以盡獲豐收其餘晚穀晚黍亦無
不十分暢茂大有可期羣黎歡忭婦子恬熙臣職
任封疆恭逢嘉會敢不夙夜黽勉敬迓

天庥以慰

聖懷謹此繕摺覆

奏仰祈

睿鑒謹

奏

朕之秉性於未來事從不敢預先期必惟恒持誠敬二字靜聽

天命覽此等奏惟以手加額仰空祇肅而已即欣幸之念亦未嘗輕萌也爾等封疆大臣當默識朕意

同日又

奏爲恭報伏汛水勢平穩情形以慰

聖懷事竊查豫省黃河水勢前據陝西署寧夏府事水利同知王佩璫報稱雍正四年六月初四日黃河

水長二尺

臣

隨嚴飭道廳印汛各官率領兵夫住

宿堤上加意防護幸保無虞今查自本年六月初一日起至七月初九日止共長水自二三寸起至二尺一二寸不等除長落相抵外現今已屆立秋水勢有消無長一切堤岸工程俱各平穩理合繕摺奏

聞再

臣

查南北兩岸增卑培薄堤工經副河臣嵇曾筠

同臣節次嚴催勒限上緊堅築竝遴委標員不時

查催現今共計做過工程已足八分之數其餘未完二分的於秋汛前後均可一律告竣誠恐上履聖懷合併奏

聞謹

奏

覽奏水勢平穩情形朕懷深慰秋汛尤屬緊要務須加謹防護以保無虞

雍正四年七月十九日河南巡撫臣田文鏡謹

奏爲捏傳

諭旨鼓惑聽聞不敢不

奏仰祈

聖鑒事竊查信陽州叅革知州黃振國狂悖貪劣實異

尋常

臣

訪聞既確於雍正三年十一月據實糾叅

欽奉

皇上諭旨令

臣

解部質審不謂竟有大膽姦徒捏造

諭旨一道在汝寧府所屬地方傳播惑衆臣於雍正四

年四月內即有風聞或云傳自汝寧府郡城或云
出自汝寧府城內武職衙門臣因事無確據且未
得見一紙不知所造是何浮言不敢冒昧入

告時值南汝道陳世倬在省署理按察使印務臣隨飭
令密查確訪務將捏造之言鈔錄具報去後今據
陳世倬呈據署汝寧府知府馬駟申據信陽州吏
目管朝翰申稱聞得本州訓導宋鑣處有鈔傳一
紙隨差役取來鈔錄呈送其宋鑣不知何處鈔傳

須問宋鑣便知等情轉報到臣臣接閱之下不勝
驚駭因伏思我

皇上明竝日月無微不照無遠不周如臣所叅黃振國
以及張玠等各案果有誣枉難欺

聖明洞鑒

皇上即當治臣以莫大之罪豈止

諭旨嚴飭乃敢預造浮言轉相傳播惑亂聽聞所關甚
大臣雖不知此鈔出自何人若再從宋鑣名下逐

一究追當有着落臣因事關捏造

諭旨不敢冒昧亦不敢不據實密

奏除將鈔傳恭繕

進呈

御覽外理合具摺奏

聞伏乞

睿鑒施行謹

奏

海壽史貽直將此摺帶赴豫省一併嚴查審擬具奏

雍正四年七月二十二日河南巡撫臣田文鏡謹

奏爲據實覆奏仰祈

聖鑒事雍正四年七月初十日據臣家人齎回臣恭報

雨澤併秋禾暢茂一摺欽奉

硃批諭旨到臣伏讀之下仰見我

皇上聖德崇謙

睿慮周詳無微不至無遠勿届然而至誠所感

天和自必立應茲臣伏查豫省所屬各地方自雍正四年

四月內至七月初一日止甘霖疊沛稼穡繁興今

又據各屬陸續報稱於本年七月初二初八初九

十一十四十五十六十七等日復得時雨四野均

沾現今早禾已經收穫晚禾亦皆十分暢茂豐年

可期臣俟秋成後查明分數再爲繕摺奏

聞再豫省今歲伏汎業經臣繕摺

奏明今復查自七月十一日立秋起至十六日止黃

沁二水每日所長不過數寸暨一尺有餘即於十七日漸次退落現今各處共長水四五尺不等一切工程俱各平穩倘蒙

皇上福庇秋汛一如伏汛則沿河士民可以各安衽席共樂昇平矣所有秋汛水勢情形合併具

奏以慰

聖懷謹

奏

覽奏早晚禾稼豐茂工程平穩各情形深爲慰悅但朕心意之間只覺今歲秋汛似有可虞目下正當水勢長落不定之際汝與嵇曾筠其協力同心謹防毋忽

同日又

奏爲據實奏明仰祈

聖鑒事竊臣伏查信陽州叅革知州李廷基揭報唐縣叅革知縣關陂行賄一案臣於雍正二年六月內在布政使任時委李廷基盤南陽府倉庫錢糧關

澌因該縣有官隱墾地五百七十餘頃未經造報
不敢將地畝底冊送出查核完欠於雍正二年六
月二十六日餽銀三百兩求免概不清查李廷基
即於本日連餽銀印信手本并銀三百兩稟首到
臣又具文通報蒙前撫臣石文焯批司確查臣即
檄令南陽府會同汝寧府確查詳報去後關澌自
知餽銀情罪不敢置辯一詞嗣據南陽府知府何
煜詳揭到臣臣查豫省隱地已蒙

皇上格外加恩寬其已往俱令造報當年陞科而關
所隱地畝於詳揭後未經叅革之前亦即造冊報
明若再將隱地一併詳叅誠恐枝蔓引難以歸
結所以止據現首之銀兩并南陽府知府何煜詳
揭虧霉行賄繕疏

題叅嗣因學臣王國棟到豫傳奉

聖諭令臣據實直奏臣遵將關徼行賄實情據實

奏明荷蒙

皇上天恩將臣奏摺

特命廷臣閱看後經臣審明具

題復將其中前後情節繕摺具

奏仰蒙

硃批諭旨應如是辦理其中情節已悉欽此嗣奉部駁
又經臣於審題之時繕摺具

奏欽奉

聖諭內外朕視爲一體惟理是從但須秉公審斷反覆

究詰其理愈明部駁亦復何害所奏知道了欽此臣
跪讀之下仰見我

皇上至聖至明至公至當臣敢不恪遵

聖諭秉公辦理今復奉部駁關敝既無虧霉又無送冊
不全何肯餽送銀兩明係李廷基向鄭之傑說明
求索以致關敝餽送銀兩後因關敝要詳報停徵
李廷基心虛始行出首承審各官並不審出實情
徇情開脫行臣另委賢員務將實情審出一併安

擬等因到臣臣查事之虛實全憑確證關徼行賄
原爲隱地今部臣因未經參出輾轉駁查而李廷
基之求索竝無確據似難懸擬但此案已經臣三
次具

題臣伏查定例內開若駁至第三次該督撫不酌量
情罪改正將承審各官該督撫一併交與該部議
處等語所有關徼行賄隱情業經臣節次
奏明已久在

聖明洞鑒之中矣今若因部臣屢次駁詰欲避固執原
題之處分迎合更改臣即辜負

聖恩罪何可逭所以臣寧甘例議竝不敢絲毫欺隱自
干重處除將李廷基擬以不應關激仍照原擬恭
疏具

題外不得不將前後實情再爲覆

奏仰祈

聖鑒謹

奏

關勘行賄一案業經徹底明悉何用更爲重絮即無此
奏於該部議覆時朕亦自有酌奪

雍正四年七月二十六日河南巡撫臣田文鏡謹
奏爲據實奏明仰祈

聖鑒事竊臣荷蒙

皇上天恩簡畀豫撫以來兢業凜惕從無一事敢於苟
且亦無一字敢於欺隱故前叅信陽州知州黃振

國等各案臣敢於繕摺具奏仰懇

聖恩欽差部臣來豫質審茲臣伏查上蔡縣知縣張球
前向息縣叅革知縣邵言綸借銀五百兩臣先聞
知此事適張球因公在省臣隨面加詰訊據張球
稟稱從前與邵令同寅相好暫時通融已經還清
因而未經糾叅嗣奉

聖諭令臣秉公體察臣查張球借銀還銀是實竝無藉
此招搖恐嚇同官之事隨一面繕摺據實覆

奏至於應否

題叅恭請

聖諭蒙

皇上硃批諭旨誠如是張球亦何罪之有自無庸列之
彈章也欽此臣受

恩深重固不敢仰欺

皇上亦不肯爲屬員所欺臣因張球一面之詞未敢遽

信復密令南汝道陳世倬嚴行確查嗣據陳世倬

將張球掣回借券併邵言綸收銀收票送驗臣猶
疑爲張球假捏復令陳世倬將此券票令邵言綸
驗看是否假捏如未還清即親筆註明以憑

題叅去後陳世倬因署司篆在省轉飭西平縣知縣
王鑛執持券票令邵言綸親看據邵言綸稱係還
清並非張球假捏即註明還訖字樣將原券票申
送陳世倬轉送到臣驗明臣始信以爲實復將張
球嚴加飭責令其改過自新暫免

題叅在案今邵言綸汪誠等因張球別無招搖恐嚇之事可以爲辭惟有借銀一節是確執爲口實見皇上欽差部臣到豫覆審不知張球借銀一事臣已經奏明意臣必有所徇隱不敢

題叅且妄揣

皇上疑臣所叅各官俱不足憑因而

欽差部臣來豫質審以爲伊等報復之地故於布按二司會審叅案之時恣意牽混並非與張球爲仇而

實則與臣爲難更可駭者將臣飭令南汝道轉飭
行查之西平縣指爲證佐欲將張球之還銀掣票
坐爲臣所主使意在挾制陷臣以重罪是不特邵
言綸得以報復而黃振國等各案從此均得擾亂
矣總之伊等科目中人聲氣相通不比泛常不但
被叅諸員聯爲一黨而從旁袒救者亦不乏人竟
視張球借銀一事爲奇貨可居視臣之不叅張球
爲徇私曲庇必欲臣叅張球以快其私并欲

皇上治臣以罪以洩其憤臣查張球雖欽奉

皇上有無庸列之彈章之

諭旨但臣當此黨惡錮結之時臣實處有不得不參不敢不參之勢非臣敢於故違

諭旨也今既據兩司錄取邵言綸供詞詳揭到臣若不將張球

題參革職反若臣實有所私實有所庇而外間之物議風生終無底止矣除將上蔡縣知縣張球繕疏

題參外伏乞

皇上天恩將張球

敕發欽差部臣一併審明庶臣心得以自白而一切浮言亦均可少戢如果臣有絲毫徇隱併乞

皇上從重治臣之罪以爲欺

君罔上者戒爲此謹

奏

既據邵言綸供出張球理應參革併案發審質訊之下

曲直自明朕非不容人辨白之主也清者清而濁者濁
涇渭終豈混淆差來二臣可保其公假若稍涉徇徇乃
自招罪譴耳於事何損

同日又

奏爲據實覆奏仰祈

聖鑒事竊臣家人齎回臣恭報伏汛水勢平穩一摺欽
奉

硃批諭旨覽奏水勢平穩情形朕懷深慰秋汛尤屬緊

要務須加謹防護以保無虞欽此仰見我

皇上軫念河防勤求備至臣敢不凜遵

聖諭時刻留心加謹防護茲臣伏查黃河水勢自入秋

汛以來安瀾循軌一切堤工俱各平穩至於增卑

培薄工程亦已將次告竣又臣於本年四月內飭

令管河同知將節年河泓刷深若干尺寸逐一據

實確查分析稟覆去後今據開封府上南河同知

稟稱所屬鄭州滎澤中牟三州縣河泓自雍正二

年起至雍正四年六月內止刷深二三尺及四尺
不等又據開封府下南河同知稟稱所屬祥符陳
留蘭陽儀封四縣河泓自雍正二年起至雍正四
年六月內止刷深二三尺及八九尺不等又據開
封府署上北河同知稟稱所屬原武武陽武封邱三
縣河泓自雍正二年起至雍正四年六月內止刷
深四五尺及八九尺一丈不等又據懷慶黃河同
知稟稱所屬武陟縣趙莊壩下至滎澤縣交界河

泓自雍正二年起至雍正四年六月內止共刷深
五六尺不等又據歸德府河務通判稟稱所屬考
城商邱虞城三縣河泓自雍正二年起至雍正四
年六月內止刷深二三尺及六七尺不等臣查現
在河身漸次刷深則河面漸次收窄將來由窄而
更刷深則崖岸日高水由地中自可永保安瀾矣
所有河泓刷深情形合併奏

聞以慰

聖懷爲此謹

奏

覽河流順軌中泓漸次刷深情形實慰朕懷想因聞朕
諭問嵇曾筠故有此奏也甚屬可嘉今歲夏秋之交雨
少水平幸獲安瀾之慶至深秋時有無靈潦殊未可定
加意預防最爲緊要毋忽毋忽



硃批諭旨卷一百二十六之七



總校官庶吉士臣侍朝

校對官檢討臣王坦修

謄錄貢生臣王詢